

Akugu 'Ba YAKOBA

¹ Ma Yakoba bo koja laja 'ba Boko'ba kina gbi 'ba n̄ere Ȳesu Kuris̄it̄o, mum̄ot̄o ye kpe bilaka 'ba Boko'ba ame ga kiȳeȳike r̄oye 'deni m̄i d̄olin̄o nime pili ne.

Gomo Ti Akiyari

² L̄ond̄o ma ga, odo akiyari 'ba gomo ma gege mot̄o ga ko'ja ye olomake r̄o lon̄o r̄o mb̄emb̄e go lende mo.

³ Miya ziye, odo konyake do gomo mo naga nima 'deni ti ti'di d̄oye nḡi r̄o ma laka go lende 'ba Ȳesu ti k̄o'b̄oke 'deni nḡi nduw̄e di p̄ot̄o mo r̄o bo m̄i k̄edd̄i.

⁴ O'b̄oke nduw̄e ti m̄i k̄edd̄i kinza kogake kpeye ra go lende nime 'do k̄edd̄ike r̄o bilaka ma laka zi Boko'ba kinza a ma k̄enȳe mot̄o k̄ed̄i ra miye.

⁵ Ne odo kiya te ni bo mot̄o k̄edd̄i r̄o lisa 'ba akikali, ititi Boko'ba, kina bo ti ki'di yi 'deni nḡi kikali wa. R̄om̄oȳi Boko'ba na r̄o bo ki'di wa r̄o ma sari zi bilaka kinza do kose teyi.

⁶ Kina odo kiya te kititi Boko'ba go wa mot̄o, ziȳi ti'di d̄oȳi gomo r̄o ma laka Boko'ba ed̄i ki'di nḡi ziȳi. Kina kinza ki'di lende mo d̄e kilik̄o d̄oȳi. Bilaka ame k̄ed̄i ki'di lende nime kilik̄o d̄oni ne bo ed̄i 'ba bo k̄ozo surupu 'ba do mini lobu ame lili k̄ed̄i kome nduw̄e kilaki timo ne tara.

⁷⁻⁸ Bo inza ti meri ma kodoro m̄i bo kina ma ki'di bo k̄o'b̄o nḡi nduw̄e tuȳi kori abo ne. Kina

'do bo kikali ngi ro ma laka Boko'ba inza ki'di wa ma koto moto du te zi bo.

Bo Lisa

⁹ Kpe bilaka 'ba Kurisitö ame ga ro lisa ne, olomake ti mi keyi romöyi eddike 'deni ro wa ma mbiri di komo Boko'ba.

¹⁰ Kina gbi tara, kpe bilaka 'ba Kurisitö ame ga ro bo wa ne, olomake ti mi keyi romöyi eddike 'deni ro wa ma titiyi di komo bilaka 'ba dolinjo nime. Romöyi bo wa ni ti kote ronni kada moto ti wa 'beni ga kozo doworu 'ba ngeri ame lili kedii kome kote yaga ne tara.

¹¹ Kada odo di beri ti tututu 'beni konma ngeri ngi kututu yaga. Kina doworu mo ga kilayi ngi me yaga tele mo kirasi roni ngi. Kina gbi tara, bo wa ti kole 'deni gbi di do wa 'beni ga tara.

Mi Keddi

¹² Ne odo ni bo moto ki'di miyi ngi keddi zi gomo, koloma kinza koga kpäyi de go lende 'ba Yesu, Boko'ba ti ko'do yeyi ma laka 'deni ngi doyi ti didi ma nburunburu. Kozo ame bo Boko'ba bo kiya 'deni molo ti'di didi ma nburunburu zi ya ame ga ko'o bo ne tara.

¹³ Ne odo ni bo moto gomo kedii 'deni ko'do yi, kinza kiya de te, "Boko'ba na me 'deni kedii ki'di gomo nime ko'do ma 'do mari mo'do lende kenyä." Inza du tara, wa moto inza ame 'do ki'di Boko'ba ko'do lende kenyä, kina bo i'di gomo de gbi ko'do bilaka 'do ki'di lijä kari to'do lende kenyä.

14 Meri kënyë 'bënni 'ba bilaka lesi na kindëndë lijë 'deni kinda'ba lijë, kina ma ki'di lijë ko'doko ngi ro to'do lende kënyë.

15 Kina meri kënyë 'bënni ga kënyi koma ngi köyö ro lende kënyë. Kina odo lende kënyë nima kulu roni 'deni na köyö 'bëni ngi ro tolë.

16 Kpe löndö ma mo'o kulöwö naga nime, kinza kiliköke doye de.

17 Wa ame ga pili Boko'ba kedï ki'di zize ne kina 'do ro wa ma laka kina gbi nge ro wa ma kele. Bo na me ko'ba kada ni, ti nyepi ni gbi ti kèlu 'ba mitoro. Ne bo ö'bö de tiyese ro bo yaga kozo 'ba kada ame kedï kiyese roni yaga 'do ki'di go bi kedï kolu doyayi nime ne tara, kina bo uyi ro bo de gbi.

18 Bo o'doko ze 'do dedike ro wa ma kele ro do kiteli di mi löngö wa pili ame ga bo ko'ba dolingo nime bine ne, kina me bo kuwöwö lende kodoro abo 'deni zize 'do ki'di ze dididike yaga ro ma lölöwö.

Mbili Ni Ti Kpa

19 Kpe löndö ma mo'o kulöwö naga nime, ziye tikali lende naga nime laka. I'dike mbili ye kapa tuwö lende ne tine, i'dike kpeye kedï ro ma kirindi di bi tiya mo. Kina kinza kënyike de gbi welo ro diri ti bilaka moto,

20 romöyi bilaka ame 'deni ro diri ne inza kikali to'do wa ma laka ame ga Boko'ba ko'doko ne.

21 Olake go lende kënyë pili, kinza ko'doke mi kombi de kpe. Ojeke mbili ye laka go lende 'ba Boko'ba. Bo i'di lende naga nima 'deni miye 'do ki'di tigo ziye 'do koma ye di mi tolë.

22-23 Ne kinza kö'böke dē tuwö lende 'ba Boko'ba nge rɔ tuwö, ziye gbī 'dɔ tari to'dɔ mo. Bo ame kēdī kuwö 'bēnī lende 'ba Boko'ba nge ti mbili nī kinza bo ko'dɔ dē ne, bo ēdī 'ba bo ka ku'bölu rɔ bo rɔ tu'bölu. Bo ēdī 'ba bo kɔzɔ bilaka ame kēdī konɔ rōnī di mī mandara ne tara.

24 Bo onɔ rɔ bo laka di mī mandara ne ɔdɔ bo kari 'deni mbowa yaga kinē bo tönē udölu nɔ yaga di dɔ bo.

25 Ne bo ame kinda'ba kö'du ki'di 'ba Boko'ba ko'dɔ ki'di kinza kudölu di dɔ bo ne, bo na ti kēdī ti yēyī ma laka mī ako'dɔ abo, römöyī kö'du ki'di 'ba Boko'ba na pili rɔ ma laka ki'di ze gbī dēdike rɔ dɔ nɔölö.

26 Nī bo mɔtɔ ma di ziyī iya te nī bo ko'dɔ mötu na? Ne ɔdɔ kiya te kogbɔ dɔ dɔnde'de yī dē bēri di bi tiya lende, ēddī ē'bī ka ku'bölu rōyī rɔ tu'bölu. Kina mötu ko'dɔ 'bī naga nima ēdī ka nɔ rɔ wa sari zi Boko'ba.

27 Römöyī mötu ma laka ame 'bu ze Boko'ba ko'dɔkɔ di zize ne, kina rɔ tokonyi kiri'bala ni ti makuru'bē ame ga rɔ lisa ne di mī gomɔ 'bēnnī ga, kina gbī 'dɔ donɔke rɔze laka di zi lende konya 'ba dɔliɔ naga nime.

2

Kɔmɔ Geli

1 Kpe löndö ma ga ame ki'dike dɔye 'deni gɔ lende 'ba nɔere ze Yēsu Kurisitö löbu 'ba dɔ wa pili ne, kinza ko'dɔke kɔmɔ geli dē zi bilaka.

2 ɔdɔ kiya te bilaka ma riyö mɔtɔ ga kako mī bi 'ba mötu 'be, bo mɔtɔ rɔ bo wa ti bɔnɔ ma

kele rōnī ti wa 'ba dōkole kōzī ma kele, kina bō mōto 'bēnī rō bō lisa ti bōngō ngōrō rōnī kako gbī, kinza ko'dōke geli dē mī lōngō lijē.

³ Ne ɔdɔ kiya te bō ama ti bōngō ma kele rōnī ne na kēnyīke nge kumōtōke rō ma laka kiyake teyi, kiya te, “Ako koloma dō kītī ma laka nime bine.” Kina kebe kēnyī kuyīke kōmōye dō bō ma ti bōngō ngōrō rōnī nima kiyake te, “Nī, ɔrō 'bēyī yayi, ala ako koloma bēri mī yayi bi ndize bine.”

⁴ Irasike kō'du 'deni rōmōyī ebeke 'deni za kozake mī bilaka ti to'dō burē 'ba bilaka rō ma kēnyē.

⁵ Kpe lōndō ma mō'ɔ kulōwō naga nime, uwōke lende nime laka. Bō lisa 'ba dōlīnɔ naga nime lijē na Boko'ba koza 'deni 'dō ki'di dōnnī gō lende 'ba Yēsu. Kina lijē na ti kēdī kōzō bō wa tara kōmō bō. Bō ēdī ko'dō yēyī zinnī ti wa ma laka 'ba mītōrō kōzō ame bō kiya 'deni mōlo to'dō yēyī zi ya ame ga kō'ɔ bō ne tara.

⁶ Ne kina me kpe kebeke za 'bōwu titi'ja bō lisa. Ma kikalike 'beye, yē mo ga na kēdī kōnbenbe ye ne? Bō wa na dē? Bō wa naga nima lijē na kēdī kītīnī gōye kōmō kītī 'ba burē.

⁷ Ikalike dē, lijē na gbī tōnē koloma bine rō tiya kpa kēnyē rō nere ze Yēsu Kurīsītō ame kpe rō bilaka mo ga ne?

⁸ Kō'du ki'di 'ba nere ze Boko'ba ame kugu mī buku abo ne, iya te, “Ō'ɔ lēpī yī mōtō gbī kōzō ame kō'ɔ yida rōyī ne tara.” Ōdɔ kiya te ko'dōke 'deni nḡi tara o'dōke lende ma laka 'deni.

⁹ Ne ɔdɔ kebe ko'dōke geli 'deni mī lōngō bilaka, o'dōke lende kēnyē 'deni kina inzake gbī kpe rō bō koro kō'du ki'di 'ba Boko'ba.

10 Römöyî kö'du ki'di 'ba Boko'ba nime ɔɔ koro 'deni me kina kebe kënyî 'böwu kirasi nge rɔ ma kɔtɔ mɔtɔ, irasi lijë nima 'deni pili rɔ gɔmo.

11 Kö'du ki'di 'ba Boko'ba mɔtɔ iya 'deni te, “Kinza ko'dɔ yëri dë.” Kina mɔtɔ iya 'deni gbî te, “Kinza kupö bilaka dë.” Ne ɔɔ kiya te ko'dɔ yëri dë pele, kina ɔɔ kupö bilaka 'deni irasi kö'du ki'di 'ba Boko'ba 'deni kina inza kpe rɔ bɔ koro mo.

12 Kina me miya 'deni ziye, i'dike lende ko'dɔ 'be ga ti lende kiya 'be ga kö'bö pili rɔ ma laka. Römöyî kö'du ki'di 'ba Boko'ba i'di ye 'deni kolomake rɔ dɔ ngölö. Kina i'dike lende mo këdi dɔye, Boko'ba ëdi ko'dɔ burë 'be kada mɔtɔ ti lende naga nime. ɔɔ kiya te o'dɔke ala o'dɔke dë pele.

13 Mî kada 'ba burë mo nima yayi Boko'ba inza ki'di mî bo këyî kpe rɔ bilaka ame ga ko'dɔ mî këyî dë gbî zi lepî nnî ga ne. Bo ti kodɔ karama ngî dönñi. Ne ya ame ga rɔ bɔ mî këyî ne inza koloma rɔ tikere mî kada mo nima.

To'dɔ Lende Laka

14 Löndö ma ga, ɔɔ nî bɔ mɔtɔ kiya te i'di döyî 'deni gɔ lende 'ba Yësu Kurisitö, ne ɔɔ kiya te ko'dɔ lende laka mo dë lende 'bî naga nima ëdi ka ngî rɔ wa sari. Kina gbî ti'di döyî nge gɔ lende 'ba Yësu Kurisitö nima inza kikali tɔmɔ yi di mî burë 'ba Boko'ba.

15 ɔɔ kiya te nî bɔ mɔtɔ kari ko'ja löndö yî ti lëmî yî mɔtɔ ga këdi rɔ leri 'ba bonɔ ala 'ba wa mɔtɔ ame gɔ lijë konyo ne,

16 kina kënyī kiya zīnnī, kiya te, “Boko'ba ki'di yēyī laka abo koloma dōye, koja gō akonyo ziye gō konyoke, ki'di bōngō 'ba bī këyī ziye.” Ma komeri 'bēyī lende 'bī nima ti ko'dō wa'di zi bilaka naga nima? Rō ma laka ɔdō kiya te ki'di wa mo tō nima lījē kēdī rō leri mo ne dē zīnnī, lende 'bī naga nima inza ko'dō wa mōtō du te zīnnī.

17 Kina gbī tara, bō ame kēdī kingele 'bēnī nge kiya te bo i'di dōnī 'deni gō lende 'ba Yēsu Kurīsītō kinza bo ko'dō lende laka 'ba Boko'ba mo dē ne, lende kiya abo naga nima ēdī ka rō tōku.

18 ɔdō bō mōtō kënyī 'ba bo kiya te, “Bō nime na ki'di dōnī 'deni rō ma laka gō lende 'ba Yēsu Kurīsītō, kina bō ame na rō bō ko'dō lende laka 'ba Boko'ba.” Ti mēnyī mititi bō mo nima miya te, “İyētī zō te, bilaka mōtō ti kikali 'ba bo nge ti'di dōnī gō lende 'ba Yēsu Kurīsītō rō ma sari kinza ma bo ko'dō lende laka mo totondo mo ga?” Ne 'bama ndōbō ko'dō ma na ti kileme rō ma laka ziye mi'di dōma 'deni gō lende 'ba Yēsu Kurīsītō.

19 I'dike dōye 'deni gōmo Boko'ba ēdī nge kōtō. Tine ele sowa. Ne nōkī ame gbī rō bō koja laja 'ba Satani ne lījē ikali lende nima gbī kōzō wa nima tara, kina rōnnī ki'di ngī tīl'ēdī di zi tikere gō kō'du mo.

20 Nī bō dō kīrīndī nime, mēdī mileme zīyī rō ma laka. ɔdō bō mōtō kiya te bo i'di dōnī 'deni gō lende 'ba Yēsu Kurīsītō kina ɔdō bo ko'dō lende laka 'ba Boko'ba dē, lende abo naga nima ēdī ka rō wa sari.

21 Onḡoḡe 'bu ze löbu Abarayama te. Wa'di na ki'di Boko'ba kideki Abarayama ro bo lende laka? Lende ko'do laka 'ba Abarayama ame bo kilagi de 'do tumu kole abo Yisika ro roma zi Boko'ba ne, kina ma ki'di 'do Boko'ba kideki bo ro bo lende laka ne.

22 Kina donḡoḡe te, Abarayama i'di do bo go lende 'ba Boko'ba kina bo ko'do lende mo ro ma laka. Kina ndobo abo naga nime ki'di bo ngi kikali lende 'ba Boko'ba ro ma laka.

23 Lende nime o'do roni 'deni kozo lende ma tone kugu molo mi buku 'ba Boko'ba kiya te, "Abarayama i'di do bo 'deni go lende 'ba Boko'ba kina me ki'di Boko'ba kideki Abarayama ro bo lende laka ne." Kina ma 'do kiya te Abarayama ro bo pori ma laka 'ba Boko'ba ne.

24 Kina me dikalike 'deni lende ko'do laka 'ba bilaka na kedi ki'di Boko'ba kideki lije ro bo lende laka. Inza nge go lende 'ba ti'di donni go lende abo.

25 Kina gbi kozo lende 'ba Raba ma tone ro 'ja bo ronyo mi kada 'ba 'bu ze löbu ga bine ne tara. Boko'ba ideki loko 'deni ro bo lende laka go lende laka 'beni ame loko ko'do zi bo kore ze ga 'ba Yisarele ame koja kari bi tonḡo mi dolijo 'beni ne, ame loko kota lije koloma lijo 'beni kina loko kokonyi lije ki'di kirina kebe go kori moto ne.

26 Kina gbi tara bo ame kiya te bo i'di doni 'deni go lende 'ba Yesu Kurisito ro ma sari kinza bo ko'do lende laka 'ba Boko'ba de ne, lende abo nima edi ka ro toku kozo yida ro ame 'deni kinza didi yimo ne tara.

3

Dɔnde'de

¹ Lɔndö ma ga, kinza bilaka ma konzi 'beye mɔto ga koloma dë me rɔ bɔ kɔmɔ kiyandi 'ba lende 'ba Bɔko'ba. Römöyɪ dikalike 'deni ze ame ga rɔ bɔ kɔmɔ kiyandi ne, ze na Bɔko'ba kēdɪ kodɔrɔ bɪcɪ lende rɔze rɔ dɔ kiteli di dɔ 'ba ya ma laki pili.

² Ze bilaka lesi pili dirasike lende ma konya. Ne ɔdɔ bɔ mɔto kirasi lende ma kɔto mɔto dë ti tiya lende ma kēnyë, bo na rɔ ma laka rɔ ma kɔpɔ, kina bo na gbɪ ti kikali togbɔ dɔ yida rɔ bo ga pili bēri.

³ Dɔngɔke kosani te, ze bilaka lesi di'dike yamo kpamo kina dosike kabi yɔki mo 'dɔ ki'di kuwö dɔze, ame 'dɔ dikalike tuyi kpamo gɔ kɔri ame ga dēdɪ do'dɔkɔke tari teyi ne.

⁴ Kina dɔngɔke lende 'ba sorope ame ga kēdɪ kilɪngere kebe dɔ mini löbu ne gbɪ te. Sorope naga nima iyöbu 'bēnnɪ ngɪ rɔ dɔ kiteli ame lili ma kembe na nge kēdɪ kitɪnɪ gɔmo 'dɔ kari. Ne bilaka ebe tuyi kpamo ti ngērɪ ma titiyi kari gɔ kɔri ame lijë kēdɪ ko'dɔkɔke tari teyi ne.

⁵ Dɔnde'de ze bilaka lesi nime na gbɪ tara. Bo na ma le titiyi, tine bo ebe tēbɪ rɔ bo ti tiya lende ma löbu naga.

Dɔngɔke pa'do te, pa'do ma titiyi ɔdɔ kogba kusu mɪ lɪndɪ 'ba mɔli ma löbu ēdɪ kɔnɔma tara kote yaga.

⁶ Dɔnde'de ze bilaka lesi nime ēdɪ gbɪ kɔzɔ pa'do tara, bo na rɔ mɪ zana 'ba lende kēnyë 'ba dɔlɪnɔ nime. Kina me bo gbɪ rɔ kapa 'ba yida rɔze mɔto kina bo ki'di lende kēnyë ngɪ kita'ba

kote rɔze pili. Kina me dɔnde'de kusu pa'do ma löbu 'ba Gehena 'deni ŋgĩ rɔ didi ze ga 'dɔ kirasi loma ze ga pili yaga.

⁷ Ze bilaka lesi dikalike ti'di dɔkomali yeri 'ba yi mökö, ti yali ni, ti wa ma titi ma kedi kebe bebe beri naga, ti kenze ni kedi mi komo közize.

⁸ Ne botɔ ma kotɔ motɔ ikali de ma 'dɔ kogbo dɔ dɔnde'de ni beri. Dɔnde'de 'beni ŋgĩ rɔ wa ma kenyë ame kikali de toloma le, bo oso 'beni ŋgĩ lɔ ti wɔwɔ ma kata ame ga kedi kupö bilaka ŋgĩ kɔzɔ wɔwɔ 'ba murë tara ne.

⁹ Kina me dedi dilëluke nere Boko'ba ame rɔ 'bu ze ne ti dɔnde'de ze ga kina debe duyike 'böwu gbĩ tulömu bilaka lepĩ ze ga ame Boko'ba ko'ba 'deni gbĩ kɔzɔ bo tara ne timo.

¹⁰ Akilëlu ma laka ni ti lömu ma kenyë naga edi kodɔ kpaki di mi kpa kotokotɔ nima. Löndö ma ga, lende nima ele de, kinza do'doke de tara.

¹¹ Daa kotɔ ikali de ma 'dɔ kulöwu mini ma kindili gbĩ ti mini ma kata di komo kotokotɔ nima.

¹² Ngëri këlu ikali de ma 'dɔ kana kɔlɔ kina ngëri maa ikali de gbĩ ma 'dɔ kana këlu. Kina gbĩ tara daa ame kedi kulöwu 'beni rɔ ma konzoloro ne ikali de ma 'dɔ kulöwu mini ma laka.

Akikali Ma Laka

¹³ Ni bo motɔ odo keddi rɔ bo kikali lende, oloma rɔ bo ko'do lende laka 'dɔ lende keyi 'bi na kileme akikali 'bi nima.

¹⁴ Ne odo keddi rɔ bo mi kombi, rɔ bo mi kata, kina gbĩ rɔ bo mi kututu, kinza kebe de tibi röyi go döyi kiya te ni bo kikali lende na. Ni bo ame

këddi kiya tara ne lende 'bī nima inza du te ro ma kodoro.

¹⁵ Kina akikali 'bī nima inza gbī ro ma Boko'ba ki'di. Akikali 'ba Satani ni ti 'ba bilaka 'ba doliŋo nime na ka.

¹⁶ Römöyī mī kombi ni ma ti mī kututu na këdi ki'di bilaka kebe to'do lamo ni ti lende ma kënyë moto ga.

¹⁷ Ne bilaka ame ga Boko'ba na ki'di akikali 'bëni teyi ne lijë o'do 'bënni wa pili ro ma kodoro. Lijë o'do 'diri de ti boto kina lijë o'do komo kënyë de gbī do bilaka. Kina lijë o'do mbili minyi de gbī, lijë ö'bö 'bënni ti mī këyi, kina lende ko'do 'bënni ga kö'bö ngi pili ro ma laka. Ya ame ga 'deni te ne o'do komo geli de zi bilaka, meri 'bënni pili ro ma laka.

¹⁸ Lijë na ro bo lata mī löngö ya ma konzi, ame lende këyi 'bënni ki'di bilaka 'deni 'do koloma kö'bö to'do lende laka 'ba Boko'ba.

4

Mi Kombi

¹ Wa'di ga na këdi ki'di ye kamoke ko'doke 'diri ro go roye? Meri go ako'doko ma kënyë 'ba yida roye ga na këdi ko'de lende naga nima. Römöyī meri naga nima ö'bö ngi ro to'do ya miye 'do kogbo ye bëri.

² O'dokoke wa moto ga, kina odo ko'jake de yo kina miye kënyi kombi ngi ro lepī ye ga. Kina mī kombi 'be ga kodo ngi ro lamo ni ti 'diri ziye 'do tupö lepī ye ga yaga.

Ne wa mo naga nima ko'dokoke ne o'jake de römöyī ititike Boko'ba de su go lende mo.

³ Ne ɔɔɔ kititike Boko'ba gɔ lende 'ba wa mo naga nima bo inza ki'di gbɛ ziye rɔmɔyɛ akititi 'be ga ele dɛ. Ēddi kititike wa naga nima ɔɔɔ ki'di 'deni ziye 'dɔ ki'dike nge koloma rɔ wa 'ba lɔŋɔ 'ba gbagba ye ga.

⁴ Kpe bilaka ebeke toga kpeye gɔ lende 'ba Boko'ba kɔzɔ 'ja ame kɛdi ko'dɔ yɛri di dɔ mɛ'dɛ ni ne tara. Ikalike dɛ su tɔ'ɔ wa 'ba dɔliŋɔ nime na rɔ wa ame kɛdi ko'dɔ ya ti Boko'ba? Bilaka ame ga kiya rɔnni rɔ bɔ kɔ'ɔ wa 'ba dɔliŋɔ nime kulɔwɔ ne lijɛ na ko'dɔ rɔnni 'deni rɔ bɔ ko'dɔ ya ti Boko'ba.

⁵ Ikalike dɛ, lende tɔnɛ kugu mi buku 'ba Boko'ba ne ɛdi nɔgi rɔ ma laka, ame kugu kiya te, dɔki'di nime Boko'ba ki'di mize ne nɔgi rɔ dɔki'di 'ba mi kombi?

⁶ Tine Boko'ba mi bo ɛyi rɔze sowa kina me bo ki'di tigo ame rɔ dɔ kiteli di dɔ mi kombi ze ga ne. Ēdi 'deni gbɛ kɔzɔ lende ma tɔnɛ kugu mɔlo mi buku 'ba Boko'ba kiya te, "Boko'ba ɛdi rɔ ya ti bilaka ame ga kɔ'bɔ tubɔtɔ rɔnni ne. Mi bo ɛdi kɛyi nge rɔ ya ame ga koto ɛ'bɛnni dɔnni le bɛri ne."

⁷ Kina me mɛdi miya ziye lende 'ba Boko'ba na kuwɔke dɔmo. Ilagike yaga di rɔ 'ba Satani 'dɔ ki'di bo kirɛŋa yaga di rɔye.

⁸ Akoke zi Boko'ba kina bo ti kako gbɛ ziye. Kpe bɔ lende kɛnyɛ naga nime, olake gɔ lende kɛnyɛ yaga. Kpe bɔ dɔki'di riyo naga nime, i'dike dɔye gɔ lende 'ba Boko'ba ti dɔki'di kɔɔ.

⁹ Uduke mɔlo te di zi lende kɛnyɛ 'be ga. Kinza kɔgɔke dɛ kpe, ɔ'bɔke rɔ monɔ. Kinza kolomake dɛ kpe rɔ lɔŋɔ, ne tine ɔ'bɔke rɔ meri.

10 Ilekike roye titiyi bēri kōmo Boko'ba kina bo ti ki'di ye 'deni ṅgī kēddike mbiri.

11 Lōndō ma ga, kinza kiti'jake lēpī ye ga dē. Nī bo ame kēddi kiti'ja lēpī yī ga ame 'deni ro 'ba Kurisītō ne, kiya lijē ro ma kēnyē, kō'du ki'di 'ba Boko'ba na ma 'deni kiti'ja kiya ro ma kēnyē ne. Kina inza ē'bī kpe ro to'do kō'du ki'di 'ba Boko'ba, ēddi ē'bī 'deni za ro to'do burē mo.

12 Tine Boko'ba bo na ṅge koto kpōkī ro bo ko'do burē, kina bo na gbī ṅge ro bo ki'di kō'du ki'di. Bo na ṅge ti tigo 'ba tomo bilaka di mī tōlē, kina bo ēdī gbī ti tigo 'ba tupō bilaka timo. Ne nī 'bēyī o'doko 'deni to'do rōyī ro yē, odo kebe gbī bi to'do burē 'ba ro lēpī yi ga?

Tudōli Boko'ba

13 Uwōke doma te, kpe bilaka ame ga kēddi kiyake te, “Tilēndō dēdī dari do gawo ma te 'do dari doloma yayi kōmo koo koto bi tugō ndōgō 'do do'ja yamo.”

14 Ikalike lende 'ba bi kēzē ma tilēndō ra? Kina ikalike lende 'ba loma 'be ga ra gbī yo? Ro ma laka loma 'be ga ēdī ṅge kozo matutu tara. Oloma ṅge mbowa kina koya ṅgī yaga.

15 Lende 'beye ame 'do kō'bōke ro tiya mo ne kina me, iyake te, “Odo kiya te ṅere Boko'ba ko'doko zize ki'di go bi kēzē laka doze tilēndō 'do dari do'doke wa ma te.”

16 Dēne lende kiya 'be naga nima ti kēdī ka ro dōli. Kina dōli ma kozo wa nima tara ēdī ro lende kēnyē.

17 Kina me le'jete ikalike lende laka 'deni, ne odo ko'doke dē o'doke lende ma kēnyē 'deni.

5

Bɔ Wa

¹ Kpe bɔ wa ni, uwöke dɔma. Uduke konyoke kökö molo te di zi gomɔ löbu nime kedi ko'doko todo mo dɔye ne.

² Wa mbembë 'be naga nima edi kirasi rönni, kina kulöro edi konyo bonɔ kele 'be naga nima gbi.

³ Ro yamo 'be naga nima edi koromaro, kina odo romo koromaro 'deni kirasi roni tine, ti kileme lende 'ba yida roye 'deni ngi. Ti konma yida roye 'deni ngi kozo pa'do tara. Romöyi kada ame ro nburunburu 'ba dolinɔ nime ne kina 'deni me, ne kina keddike 'beye za gba bi toto wa ro mbembë.

⁴ Onɔke bɔ ndobo ame ga kedi kumu nyonyu di mi nyaka 'be ga ne te. Opike girisi 'benni ga de yo, kina me lije 'deni ngi ti monɔ ro ma kenyë go lende mo. Monɔ 'benni omö 'deni nbö mbili Boko'ba bɔ tigo do kiteli.

⁵ Ne 'beye kpe ngi ro lonɔ di dolinɔ nime bine ti wa nbanj. Kina ki'dike yida roye 'deni ngi konɔ kozo kamölo ame kedi ko'doko 'deni 'do tari tumu mo ne tara.

⁶ Odoke karama 'deni do bilaka ma laka naga kina kupöke moto ga 'deni gbi ngi yaga ro ma sari kinza ma lije ko'do wa moto zije.

Loma Ti Komɔ Ki'di

⁷ Löndö ma ga, olomake liya ti komɔ ki'di nbö kömö mi kada 'ba tako 'ba nere ze Yësu Kurisitö ame bo kedi kileki kako dolinɔ nime bine ne. Onɔke bɔ nyaka ni ma kedi koloma e'benni ga le liya ti komɔ ki'di go tɔro nbö kömö mi kpa

dɔlili te. Lijë oloma ti kɔmɔ ki'di ŋbɔ lijë ko'ja wa ma laka di mi nyaka 'bënni ga mi kada 'ba kpa dɔlili.

⁸ Kina 'do kolomake gbɛ tara ti kɔmɔ ki'di ti mi keddɛ rɔmɔyɛ kada 'ba tako 'ba ŋere ze Yësu Kurisitɔ ɔwɔ dë kpe.

⁹ Löndö ma ga, gomɔ ame ga kedi ko'do ye ne kinza kuduke monɔ mo dë ti lepɛ ye mɔto ga. Ɔdo kebeke tudu monɔ mo ti lepɛ ye ga, Boko'ba edi kodo karama dɔye gomɔ mi kada 'ba burë abo. Kina me 'deni kada mo ɔwɔ dë kpe.

¹⁰ Löndö ma ga, oŋgoke lende ko'do 'ba bo kumë lende 'ba Boko'ba ma mɔlo tönë ga koloma ro tiya lende 'ba Boko'ba zi bilaka ne te. Lijë oloma ti mi keddɛ kina lijë kogbo rönni ŋgi kɔro kpa gomɔ mo. Kina 'do ko'doke gbɛ kɔzo 'bënni tara.

¹¹ Lijë ogbo dökɛ'di nni kina me dedɛ diyake te Boko'ba o'do yeyɛ ma laka zinni ne. Kina ikalike di go lende 'ba Eyobo ame bo koloma ti mi keddɛ ro go kɔwo ne, kina ikalike 'deni gbɛ ma Boko'ba kokonyi bo di pötö gomɔ abo rɔmɔyɛ Boko'ba bo edi ti mi keyɛ ro mbembë ro bilaka abo ga.

Ndose Ma Nburunburu

¹² Löndö ma ga, lende ame ro do kiteli ne kina me medɛ miya ziye. Kinza kulömuke roye dë ti mitoro ala ti dɔyayi ala ti wa mɔto. Ɔdo kutɛ 'deni go lende mo to nima, iya te, "Yëë." Ne ɔdo kilagi ë'bi 'deni, iya te, "Ee." Ɔdo ko'do 'deni pili tara, Boko'ba inza kpe kodo karama dɔyɛ.

13 Ni bo mato odo keddä ti gomo ititi Boko'ba 'do bo kokonyi yi. Ni bo mato odo keddä ro lono ilälu Boko'ba ti ngala koba.

14 Ni bo mato odo keddä do rako'c idäki bilaka ma löbu 'ba kanisa kako ziyi 'do lijë kondi 'bu röyi kititi Boko'ba ti közi kakpa 'ba nere ze Yësu Kurisitö go bo kileno yi.

15 Lijë i'di dönni 'deni go lende 'ba Boko'ba, kina bo ti kileki do akititi 'bënni nima ngi kileno yi di do rako'c 'bi nima. Kina odo kiya te ko'do lende kënyë mato ga 'deni pele molo, Boko'ba ëdi kola yi ngi gomo.

16 Kina o'doko ziye 'do kodoke kpeye go lende kënyë 'be ga ro go roye, kina 'do kititike Boko'ba gbi go lende 'ba lepï ye ga 'do bo kokonyi lijë. Kina Boko'ba ti kileno ye ngi di do rako'c 'be ga römöyi akititi 'ba bo lende laka ëdi ti tigo ro do kiteli.

17 Dongoke Eliya te, bo gbi ro bilaka lesi kozo ze te. Bo ititi Boko'ba ti doki'di koto 'do ko'jono toro kinza ka'di mi doyyayi 'ba Yisarele. Kina kada keze ngi nbö komo koo mota kodo domo nyepe modokoto.

18 Kina bo kileki kititi Boko'ba 'böwu 'do ki'di toro ka'di kina toro ka'di ngi ro ma kënyë, dokomali wa 'ba doyyayi pili kënyë kotu yaga.

19 Löndö ma ga, i'dike lende nime këdi laka doye. Odo bo mato di mi löngö ye nima kënyë koco yaga di mi kori 'ba lende laka 'ba Boko'ba kina odo bo mato kari ko'de bo 'deni 'böwu mi kori nima,

20 bilaka mo nima bo olo lepï bo nima ko'do lende kënyë ne 'deni yaga di mi tolë. Kina

Boko'ba ti kola bilaka mo nima ngi go lende
kenyë ma konzi ame ga bo ko'do ne.

Jur Mödö
Jur Modo: Ndose Kodo Laka, Buku 'ba Tisaki ni Todo
to Lömu La'ja 'Ba Yösu Kurisito Nere Ze New
Testament+

copyright © 1998 Wycliffe Bible Translators, Inc.

Language: Jur Mödö

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

4cdbc69b-5207-55d8-8df2-e743cba8dc07